


一本堂行餘醫言

二十
傷寒摘要

武
511
20



武門
511
卷 20



一本堂行餘醫言卷之二十

皇和平安 香川修德太冲父 撰

傷寒雜病論摘要目次

自初輕證漸至重篤 漸重至危證候

不可發汗 火劫後 可下 可吐

不可下 不可吐下 汗後 汗下後

吐後 下後 吐下後 不可攻

水攻 死證 嘔吐 渴燥 喘

行餘醫言

傷寒

壹

一本堂藏書

下利^{三二}

下利清穀^{三五}

下利便膿血^{三十四}

除中^{三十五}

發黃^{三六}

潮熱燥屎^{三七}

血證^{四十一}

譫語^{四十二}

熱入血室^{四三}

如瘧證^{四十四}

發狂^{四十五}

痞^{四十六}

結胸^{四七}

協熱利^{四八}

四逆^{四九}

吐衄^{五〇}

霍亂^{五一}

風濕^{五二}

宿食^{五三}

痢^{五四}

傷寒雜病論摘要正文

○自初輕證漸至重篤

脈浮、頭項強痛、而惡寒、

病發熱、汗出、惡風、脈緩

或已發熱、或未發熱、必惡寒、體痛、嘔逆、脈緊

脈浮、弱發熱、汗自出、晝晝惡寒、淅淅惡風、翕翕發熱、鼻鳴

乾嘔者、桂枝湯主之

頭痛發熱、汗出惡風者、桂枝湯主之

項背強、几几反汗出惡風者、桂枝加葛根湯主之

桂枝本為解肌、若其人脈浮、發熱、汗不出者、不可與也

常須識此勿令誤也

病三日已發汗若吐若下若溫鍼仍不解者此為壞病桂枝不中與也觀其脈證知犯何逆隨證治之

傷寒三日其脈大

傷寒三日脈小者欲已也

服桂枝湯大汗出後大煩渴不解脈洪大者白虎加人參湯主之

初服桂枝湯反煩不解者却與桂枝湯則愈

病項背強几几無汗惡風葛根湯主之

病十日以去脈浮細而嗜臥者外已解也設胸滿脇痛者與小此胡湯脈但浮者與麻黃湯

中風脈浮緊發熱惡寒身疼痛不汗出而煩躁者大青龍湯主之若脈微弱汗出惡風者不可服服之則厥逆筋惕肉瞤此為逆也

傷寒脈浮緩身不疼但重乍有輕時者大青龍湯主之傷寒表不解心下水氣乾嘔發熱而欬或渴或利或噎

或小便不利少腹滿或喘者小青龍湯主之

傷寒心下有水氣欬而微喘發熱不渴小青龍湯主之服

湯已渴者此寒去欲解也

外證未解脉浮弱者當以汗解宜桂枝湯

病頭項強痛惡寒者下之微喘者表未解也桂枝加厚朴

杏仁湯主之

外證未解者不可下之也下之為逆欲解外者宜桂枝湯

病頭項強痛惡寒者先發汗不解而復下之脉浮者不愈

浮為在外而反下之故令不愈今脉浮故知在外當須

解外則愈宜桂枝湯主之

脉浮而數者可發汗宜麻黃湯

脉浮者病在表可發汗宜麻黃湯

病發熱頭痛脉反沈若不差身體疼痛當救其裏宜四逆

湯

病未解脉寸尺俱停必先振慄汗出而解但寸脉微者先

汗出而解但尺脉微者下之而解若欲下之宜調胃承

氣湯主之

病發熱汗出者此為內弱外強故使汗出欲救邪風者宜

桂枝湯

傷寒中風五六日往來寒熱胸脇苦滿默默不欲飲食心

煩喜嘔或胸中煩而不嘔或渴或腹中痛或脇下痞鞭

或心下悸小便不利或不渴身有微熱或欬者與小此

胡湯主之

血弱氣盡腠理開邪氣因入與正氣相搏結於脇下正邪

分爭往來寒熱休作有時默默不欲飲食胸脇中痛故

使嘔也小此胡湯主之

傷寒四五日身熱惡風頸項強脇下滿手足溫而渴者小

此胡湯主之

傷寒中風有此胡證但見一證便是不必悉具

凡此胡湯病證而下之若此胡證不罷者復與此胡湯必

蒸蒸而振却發熱汗出而解

傷寒十三日不解譫語者以有熱也當以湯下之若小便

利者大便當鞭而反下利脉調和者知醫以丸藥下之非其治也若自下利者脉當微厥今反和者此為內實也調胃承氣湯主之

病不解熱結膀胱其人如狂血自下下者愈其外不解者尚未可攻當先解外外解已但少腹急結者乃可攻之宜桃核承氣湯方

傷寒八九日下之胸滿煩驚小便不利譫語一身盡重不可轉側者此胡加龍骨牡蠣湯主之

欲自解者必當先煩乃有汗而解何以知之脉浮故知汗出解也

病小便利者以飲水多必心下悸小便少者必苦裏急也初得病時發其汗汗先出不徹續自微汗出不惡寒若病證不罷者不可下下之為逆如此可小發汗設面色緣正赤者陽氣怫鬱在表當解之熏之若發汗不徹不足言陽氣怫鬱不得越當汗不汗其人躁煩不知痛處乍在腹中乍在四肢按之不可得其人短氣但坐以汗

出不徹故也更發汗則愈何以知汗出不徹以脉濡故知也

病頭項強痛而惡寒者桂枝湯與之

傷寒六七日發熱微惡寒支節煩疼微嘔心下支結外證未去者此胡加桂枝湯主之

傷寒無大熱口燥渴心煩背微惡寒者白虎加人參湯主之

傷寒脉浮發熱無汗其表不解者不可與白虎湯渴欲飲

水無表證者白虎加人參湯主之

傷寒胸中有熱胃中有邪氣腹中痛欲嘔吐者黃連湯主

之

脉遲汗出多微惡寒者表未解也可發汗宜桂枝湯

傷寒脉浮滑此表有熱裏有寒白虎湯主之

脇下鞅滿不大便而嘔舌上白胎者可與小茈胡湯上焦

得通津液得下胃氣因和身濺然而汗出解也

中風脉強浮大而短氣腹都滿脇下及心痛又按之氣不

通鼻乾不得汗嗜臥一身及面目悉黃小便難有潮熱

時々噦耳前後腫刺之小差外不解病過十日脉續浮者與小茈胡湯脉但浮無餘證者與麻黃湯若不尿腹滿加噦者不治

病發潮熱大便溏小便自可胸脇滿不去者小茈胡湯主之

脉浮而緊咽燥口苦腹滿而喘發熱汗出不惡寒反惡熱身重若發汗則燥心憤々反譟語若加燒鍼必怵惕煩躁不得眠若下之則胃中空虛客氣動膈心中懊憹舌

上胎者危子鼓湯主之

脉寸微而汗出少者為自和也汗出多者為太過

寸脉實因發其汗出多者亦為太過太過為陽絕於裏亡津液大便因鞭也

脉浮而芤浮芤相搏胃氣生熱其陽則絕

病口苦咽乾目眩脉浮大上關上但欲眠睡目合則汗傷寒六七日無大熱其人躁煩者此為表已入裏故也傷寒三日其人反能食而不嘔此為裏不受邪也

傷寒轉重者其人澀然微汗出也

病身熱汗自出不惡寒反惡熱也

問曰病有得之一日不發熱而惡寒者何也答曰雖得之

一日惡寒將自罷即自汗出而惡熱也

初得病時發其汗汗先出不徹因轉入裏也

病發汗遂漏不止其人惡風小便難四支微急難以屈伸

者桂枝加附子湯主之

病發汗利小便已胃中燥煩實大便難

中風口苦咽乾腹滿微喘發熱惡寒脈浮而緊若下之則

腹滿小便難也

病但頭眩不惡寒故能食而欬其人必咽痛若不欬者咽

不痛

表病反無汗而小便利二三日嘔而欬手足厥者必苦頭

痛若不欬不嘔手足不厥者頭不痛

傷寒不大便六七日頭痛有熱者與承氣湯其小便清者

知不在裏仍在表也當須發汗若頭痛者必衄宜桂枝

湯

傷寒發汗已解半日許復煩脈浮數者可更發汗宜桂枝

湯主之

凡病若發汗若吐若下若亡津液陰陽自和者必自愈

表病發汗汗出不解其人仍發熱心下悸頭眩身瞤動振

振欲擗地者玄武湯主之

表病先下之而不愈因復發汗以此表裏俱虛其人因致

冒冒家汗出自愈所以然者汗出表和故也得裏未和

然後復下之

傷寒二三日心中悸而煩者小建中湯主之

傷寒脈結代心動悸炙甘草湯主之

脈按之來緩而時一止復來者名曰結又脈來動而中止

更來小數中有還者反動名曰結脈來動而中止不能

自還因而復動名曰代得此脈者必難治

病常自汗出者此為營氣和營氣和者外不諧以衛氣不

共營氣和諧故爾以營行脈中衛行脈外復發其汗營

行餘醫言

傷寒

十

一

衛和則愈宜桂枝湯

病人藏無他病時發熱自汗出而不愈者此衛氣不和也

先其時發汗則愈宜桂枝湯主之

服桂枝湯或下之仍頭項強痛翕翕發熱無汗心下滿微

痛小便不利者桂枝湯去芍加茯苓水湯主之

傷寒脈澁弦法當腹中急痛者先與小建中湯不差者與

小建中湯主之

傷寒發汗若下若利小便此亡津液胃中乾燥不更衣內

實大便難者此為裏證

傷寒脈浮自汗出小便數心煩微惡寒脚攣急反與桂枝

湯欲攻其表此誤也得之便厥咽中乾煩燥吐逆者作

甘草乾薑湯與之以復其陽若厥愈足溫者更作芍藥

甘草湯與之其脚即伸若胃氣不和譫語者少與調胃

承氣湯若發汗復加燒鍼者四逆湯主之

病十餘日振慄自汗者此為欲解也故其汗自腰以下不

得汗欲小便不得反嘔欲失溲足下惡風大便鞭小便

當數而反不數及不多大便已頭卓然而痛其人足心
又熱穀氣下流故也

○漸重至危證候

脉微細但欲寐也

若四肢煩疼脉微澁而長者為欲愈

若脉浮者可發汗宜桂枝湯

自利不渴者以其藏有寒故也當溫之宜服四逆輩

表病醫反下之因而腹滿時痛者桂枝加芍藥湯主之

實痛者桂枝加大黃湯主之

病脉弱其人續自便利設當行大黃芍藥者宜減之以其
人胃氣弱易動故也

病人脉寸尺俱緊反汗出者亡陽也法當咽痛而復吐利

病脉緊至七八日自下利脉暴微手足反溫脉緊反去者

為欲解也雖煩下利必自愈

病下利惡寒而踈臥若利自止手足溫者可治

病惡寒而踈時自煩欲去衣被者可治

病吐利手足不逆冷反發熱者不死脉不至者灸少陰七

壯

脉微細但欲寐得之二三日以上心中煩不得臥黃連阿

膠湯王之

脉微細但欲寐得之一二日口中和其背惡寒者當灸之

附子湯主之

病身體痛手足寒骨節痛脉沈者附子湯主之

但欲寐脉微細且沈者急温之宜四逆湯

脉微細但欲寐六七日腹脹不大便者急下之宜大承氣

湯

傷寒脉滑而厥者裏有熱也白虎湯主之

病消渴氣上撞心中疼熱饑而不欲食若脉微浮為欲

愈不浮為未愈

傷寒四五日腹中痛若轉氣下趣少腹者此欲自利也

下利後當便鞭之則能食者愈今反不能食到後頗能食

復過一日能食過之一日當愈不愈者不屬胃也

病人脉已解而日暮微煩以病新差人強與穀脾胃氣尚弱不能消穀故令微煩損穀則愈

大病差後喜唾久不了了者胃上有寒當以丸藥溫之宜理中丸

傷寒差已後更發熱者小芫胡湯主之脉浮者以汗解之脉沈實者以下解之

大病差後從腰已下有水氣者牡蛎澤蔞散主之

傷寒發熱頭痛微汗出發汗則不識人熏之則喘不得小便

便心腹滿下之則短氣小便難頭痛背強加溫針則衄

傷寒脉陰陽俱緊惡寒發熱則脉欲厥厥者脉初來大漸

漸小更來漸々大是其候也如此者惡寒甚者翕翕汗

出喉中痛熱多者目赤脉多睛不慧醫復發之咽中則

傷若復下之則兩目閉寒多者便清穀熱多者便膿血

若熏之則身發黃若熨之則咽燥若小便利者可救之

小便難者為危殆

傷寒發熱口中勃々氣出頭痛目黃衄不可制貪水者必
 嘔惡水者厥若下之咽中生瘡假令手足溫者必下重
 便膿血頭痛目黃者若下之則兩目閉貪水者脉必厥
 其聲嚶咽喉塞若發汗則戰慄陰陽俱虛惡水者若下
 之則裏冷不嗜食大便完穀出若發汗則口中傷舌上
 白胎煩燥

脉數實不大便六七日後必便血若發汗則小便自利也

○不可發汗

咽喉乾燥者不可發汗

淋家不可發汗發汗必便血

瘡家雖身疼痛不可發汗發汗則瘻

衄家不可發汗汗出必頭上陷脉急緊直視不能胸不得

眠

病熨其背而大汗出大熱入胃胃中水竭躁煩必發譫語
 欬而小便利若失小便者不可發汗汗出則四肢厥逆冷

亡血家不可發汗發汗則寒慄而振

汗家重發汗必恍惚心亂小便已陰疼與禹餘糧丸闕

傷寒脉弦細頭痛發熱者不可發汗發汗則譫語

脉浮數者法當汗出而愈若下之身重心悸者不可發汗

當自汗出乃解所以然者尺中脉微此裏虛須表裏實

津液自和便自汗出愈

脉浮緊者法當身疼痛宜以汗解之假令尺中遲者不可

發汗何以知之然以營氣不足血少故也

脉細沈數病為在裏不可發汗

脉微不可發汗七陽也陽已虛尺脉弱瀆者復不可下之

動氣在右不可發汗發汗則衄而渴心苦煩飲即吐水

動氣在左不可發汗發汗則頭眩汗不止筋惕肉瞤

動氣在上不可發汗發汗則氣上衝正在心端

動氣在下不可發汗發汗則無汗心中太煩骨節苦疼目

暈惡寒食則反吐救不得前

咽中閉塞不可發汗發汗則吐血氣欲絕手足厥冷欲得

踈臥不能自温

諸脉得數動微弱者不可發汗發汗則大便難腹中乾胃燥而煩其形相像根本異源

上實下虚意欲得温微弦為虚不可發汗發汗則寒慄不能自還

厥脉緊不可發汗發汗則聲亂咽嘶舌萎聲不得前諸逆發汗病微者難差劇者言亂目眩者死命將難全

○火劫後

傷寒者加温針必驚也

病二日反躁反熯其背而大汗出大熱入胃胃中水竭躁煩必發譫語

中風以火劫發汗邪風被火熱血氣流溢失其常度兩陽相薰灼其身發黃陽盛則欲衄陰虛則小便難陰陽俱虛竭身體則枯燥

中風以火劫但頭汗出劑頸而還腹滿微喘口乾咽爛或不大便久則讖語甚者至噉手足躁擾捻衣摸牀小便利者其人可治

火逆下之因燒針煩躁者桂枝甘草龍骨牡蛎湯主之傷寒脉浮醫以火迫劫之亡陽必驚狂起臥不安者桂枝去芍藥加蜀漆牡蛎龍骨救逆湯主之

形作傷寒其脉不弦緊而弱弱者必渴被火者必讖語弱者發熱脉浮解之當汗出愈

病以火熏之不得汗其人必躁到不解必清血名為火邪脉浮熱甚此為實反灸之實以虛治因火而動必咽燥唾血

微數之脉慎不可灸因火為邪則為煩逆追虛逐實血散脉中火氣雖微內攻有力焦骨傷筋血難復也

脉浮宜以汗解用火灸之邪無從出因火而盛病從腰以下必重而痲名火逆也

燒針令其汗針處被寒核起而赤者必發奔豚氣從少腹

上衝心者灸其核上各一壯與桂枝加桂湯更加桂三兩

病欬而下利譏語者被火氣劫故也小便必難以強責汗也

○可下

病腹中滿痛者此為實也當下之宜大承氣湯

傷寒後脉沈沈者內實也下解之宜大承氣湯

脉雙弦而遲者必心下鞭脉大而緊者陽中有陰也可以

下之宜大承氣湯

○可吐

病如桂枝證頭不痛項不強寸脉微浮胸中痞氣上衝咽喉不得息者此為胸有寒也當吐之宜瓜蒂散

病胸上諸實胸中鬱之而痛不能食欲使人按之而反有涎唾下利日十餘行其脉反遲寸口脉微滑此可吐之

吐之利則止

病人手足厥冷脉乍結以客氣在胸中心下滿而煩欲食不能食者病在胸中當吐之

○不可下

發汗多亡陽譫語者不可下與芪胡桂枝湯和其營衛以通津液後自愈

動氣在右不可下下之則津液內竭咽燥鼻乾頭眩心悸也

病心下鞭頸項強而眩者慎勿下之

動氣在左不可下下之則腹內拘急食不下動氣更劇雖有身熱臥則欲蹠

動氣在上不可下下之則掌握熱煩身上浮冷熱汗自泄欲得水自灌外證未解不可下下之為逆

動氣在下不可下下之則腹脹滿卒起頭眩食則下清穀心下痞也脉浮大應發汗醫反下之此為大逆

咽中閉塞不可下下之則上輕下重水漿不下臥則欲蹠

身急痛下利日數十行

諸外實者不可下下之則發微熱若亡脈厥者當臍握熱諸虛者不可下下之則大渴求水者欲愈惡水者劇

脈濡而弱及微澁微則陽氣不足澁則無血陽氣及微中風汗出而反躁煩澁則無血厥而且寒陽微不可下下之則心下痞鞭

脈濡而弱及弦微弦為陽運微為陰寒上實下虛意欲得溫微弦為虛者不可下也

傷寒五六日不結胸腹滿脈虛復厥者不可下此為亡血下之死

脈數者久數不止止則邪結正氣不能復正氣却結於藏故邪氣浮之與皮毛相得脈數者不可下下之則必煩利不止病欲吐者不可下嘔多雖有裏證不可攻之
○不可吐下

中風兩耳無所聞目赤胸中滿而煩者不可吐下吐下則悸而驚

○汗後

發汗後身疼痛脉沈遲者桂枝加芍藥生薑各一兩人參

三兩新加湯主之

發汗後不可更行桂枝湯汗出而喘無大熱者可與麻黃

杏仁甘草石膏湯主之

發汗過多其人叉手自冒心心下悸欲得按者桂枝甘草

湯主之

發汗後其人臍下悸者欲作奔豚伏苓桂枝甘草大棗湯

主之

發汗後腹脹滿者厚朴生薑甘草半夏人參湯主之

發汗病不解反惡寒者虛故也芍藥甘草附子湯主之

發汗若下之病仍不解煩躁者伏苓四逆湯主之

發汗後惡寒者虛故也不惡寒但熱者實也當和胃氣與

調胃承氣湯

發汗後大汗出胃中乾煩燥不得眠欲得飲水者少少與

飲之令胃氣和則愈若脉浮小便不利微熱消渴者與五苓散主之

發汗已脉浮數煩渴者五苓散主之

發汗後飲水多必喘以水灌之亦喘

發汗後水藥不得入口為逆若更發汗必吐下不止

發汗吐下後虛煩不得眠若劇者必反覆顛倒心中懊憹

厄子豉湯主之若少氣者厄子甘草豉湯主之若嘔者

厄子生薑豉湯主之

發汗若下之而煩熱胸中窒者厄子豉湯主之

發汗汗出不解其人仍發熱心下悸頭眩身瞤動振振欲

擗地者玄武湯主之

○汗下後

傷寒五六日已發汗而復下之胸脇滿微結小便不利渴而不嘔但頭汗出往來寒熱心煩者此為未解也此胡桂枝乾薑湯主之

○吐後

病當惡寒發熱今自汗出不惡寒發熱關上脉細數者以醫吐之過也一二日吐之者腹中饑口不能食三四日吐之者不喜糜粥欲食冷食朝食暮吐以醫吐之所致也此為小逆

病當惡寒今反不惡寒不欲近衣此為吐之內煩也病人脉數數為熱當消穀引食而反吐者此以發汗令陽

氣微膈氣虛脉乃數也數為客熱不能消穀以胃中虛冷故吐也

病十餘日心下温温欲吐而胸中痛大便反溇腹微滿鬱鬱微煩先此時自極吐下者與調胃承氣湯若不爾者不可與但欲嘔胸中痛微溇者此非芫胡證以嘔故知極吐下也

傷寒吐後腹脹滿者與調胃承氣湯

○下後

下之後復發汗必振寒脉微細所以然者以內外俱虛故也

下之後復發汗晝日煩躁不得眠夜而安靜不嘔不渴無表證脉沈微身無大熱者乾薑附子湯主之

病先下之而不愈因復發汗以此表裏俱虛其人因致冒冒家汗出自愈所以然者汗出表和故也得裏未和然後復下之

病下之其外有熱手足溫不結胸心中懊憹饑不能食但頭汗出者厄子豉湯主之

大下之後復發汗小便不利者亡津液故也勿治之得小便利必自愈

傷寒五六日大下之後身熱不去心中結痛者未欲解也厄子豉湯主之

傷寒下後心煩腹滿卧起不安者厄子厚朴湯主之

傷寒醫以丸藥大下之身熱不去微煩者厄子乾薑湯主

下之後其氣上衝者可與桂枝湯方用前法若不上衝者不可與之

下之後脉促胸滿者桂枝去芍藥湯主之若微惡寒者去芍藥方中加附子湯主之

○吐下後

傷寒若吐若下後心下逆滿氣上衝胸起則頭眩脉沈緊

發汗則動經身為振振搖者伏苓桂枝甘草湯主之
傷寒病若吐若下後七八日不解熱結在裏表裏俱熱時
時惡風大渴舌上乾燥而煩欲飲水數升者白虎加入
參湯主之

○不可攻

傷寒嘔多雖有裏證不可攻之
病心下鞭滿者不可攻之攻之利遂不止者死利止者愈

病面合赤色不可攻之必發熱色黃小便不利也

病自汗出若發汗小便自利者此為津液內竭雖鞭不可

攻之當須自欲大便宜蜜煎導而通之

病本自汗出醫更重發汗病已差尚微煩不了了者此大

便秘鞭故也以亡津液胃中乾燥故令大便鞭當問其

小便日幾行若本小便日三四行今日再行故知大便

不久出今為小便數少以津液當還入胃中故知不久

必大便也

○水攻

病在表應以汗解之反以冷水噴之若灌之其熱被劫不

得去彌更益煩肉上粟起意欲飲水反不渴者服文蛤

散若不差者與五苓散

○死證

惡寒身踈而利手足逆冷者不治

吐利躁煩四逆者

下利止而頭眩時時自冒者死

四逆惡寒而身踈脉不至不煩而躁者死

脉微細但欲寐六七日息高者死

脉微細沈但欲臥汗出不煩自欲吐至五六日自利復煩

躁不得臥寐者死

下利手足厥冷無脉者灸之不温若脉不還反微喘者死

下利後脉絕手足厥冷晬時脉還手足温者生脉不還者

死傷寒下利日十餘行脉反實者死

傷寒六七日脉微手足厥冷煩躁灸厥陰厥不還者死

傷寒發熱下利厥逆躁不得臥者死

傷寒發熱下利至甚厥不止者死

傷寒六七日不利便發熱而利其人汗出不止者死

傷寒其脉微澁者本是霍亂今是傷寒却四五日入裏必

利本嘔下利者不可治也

○嘔吐

凡服桂枝湯吐者其後必吐膿血

嘔而發熱者此胡湯證具而以他藥下之此胡證仍在者復與此胡湯此雖已下之不為逆必蒸蒸而振却發熱汗出而解

若酒客病不可與桂枝湯得湯則嘔以酒客不喜甘

嘔而發熱者小茈胡湯主之

乾嘔吐涎沫頭痛者吳茱萸湯主之

嘔而脈弱小便復利身有微熱見厥者難治四逆湯主之

嘔家有癰膿者不可治嘔膿盡自愈

傷寒其脈微澁者本是霍亂今是傷寒却四五日入裏必利本嘔下利者不可治也欲似大便而反失氣仍不利者屬胃也便秘十三日愈

食穀欲嘔者吳茱萸湯主之得湯反劇者屬上焦也

傷寒發熱無汗嘔不能食而反汗出濇濇然者是轉屬裏也若胃中虛冷不能食者飲水則噦

表證而自下利葛根湯主之不下利但嘔者葛根加半夏湯主之

嘔家不可用建中湯以甜故也
病經十餘日反二三下之後四五日此胡證仍在者先與小此胡湯嘔不止心下急鬱鬱微煩者為未解也與大此胡湯下之則愈

傷寒十三日不解胸胸滿而嘔日晡所發潮熱已而微利此本此胡證下之而不得利今反利者知醫以丸藥下之非其治也潮熱者實也先宜小此胡湯以解外後以

此胡加芫消湯主之

傷寒解後虛羸少氣氣逆欲吐者竹葉石膏湯主之

病發熱六七日不解而煩有表裏證渴欲飲水水入則吐者名曰水逆五苓散主之

病腹滿而吐食不下自利益甚時腹自痛若下之必胸下結鞭表病下之脉沈緊者必欲嘔

傷寒本自寒下醫復吐之寒格更逆吐下若食入口即吐乾薑黃連黃芩人參湯主之

病欲吐不吐心煩但欲寐五六日自利而渴者屬裏也虛
 故引水自救若小便色白者以下焦虛有寒不能制水
 故令色白也 自下利嘔者黃芩加半夏生姜湯
 脈微細但欲寐飲食入口則吐心中溫溫欲吐復不能吐
 始得之手足寒脈弦遲者此胸中實不可下也當吐之
 若膈上有寒飲乾嘔者不可吐也急溫之宜四逆湯

○渴燥

服此胡湯已渴者屬裏也以法治之

傷寒汗出而渴者五苓散主之不渴者茯苓甘草湯主之

若渴欲飲水口乾舌燥者白虎加人參湯主之

傷寒發熱啞啞惡寒大渴欲飲水其腹必滿自汗出小便
 利其病欲解

若脈浮發熱渴欲飲水小便不利者猪苓湯主之

病汗出多而渴者不可與猪苓湯以汗多胃中燥猪苓湯
 復利其小便故也

脉微細但欲寐得之二三日口燥咽乾者急下之宜大承氣湯

自利清水色純青心下必痛口乾燥者急下之宜大承氣湯

○喘

病桂枝證醫反下之利遂不止脉促者表未解也喘而汗出者葛根黃連黃芩湯主之

病頭痛發熱身疼腰痛骨節疼痛惡風無汗而喘者麻黃湯主之

喘家作桂枝湯加厚朴杏子佳

○下利

下利脉數有微熱汗出令自愈設復緊為未解下利脉沈弦者下重也脉大者為未止脉微弱數者為欲自止雖發熱不死下利有微熱而渴脉弱者令自愈

下利脈沈而遲其人面少赤身有微熱必微厥汗出而解熱利下重者白頭翁湯主之

下利腹脹滿身體疼痛者先溫其裏乃攻其表溫裏四逆湯攻表桂枝湯

下利欲飲水者以有熱故也白頭翁湯主之

下利譫語者有燥屎也宜小承氣湯

下利後更煩按之心下濡者為虛煩也宜梔子豉湯

下利咽痛胸滿心煩者猪膚湯主之

下利白通湯主之

下利脈微者與白通湯利不止厥逆無脈乾嘔煩者白通

加猪膽汁湯主之服湯脈暴出者死微續者生

脈微細但欲寐二三日不已至四五日腹痛小便不利四

肢沈重疼痛自下利者此為有水氣

其人或欬或小便利或下利或嘔者玄武湯主之

下利六七日欬而嘔渴心煩不得眠者猪苓湯主之

下利脈微澁嘔而汗出必數更衣反少者當溫其上灸之

下利後身疼痛清便自調者急當救表宜桂枝湯發汗
下利脈大者虛也以其強下之故也設脈浮革因爾腸鳴
者屬當歸四逆湯主之

病下利惡寒而踈臥若利自止手足溫者可治

○下利清穀

下利清穀不可攻表汗出必脹滿

下利脈沈而遲其人面少赤身有微熱下利清穀者必鬱

胃汗出而解病人必微厥所以然者其面戴陽下虛故也

下利清穀裏寒外熱汗出而厥者通脈四逆湯主之

下利清穀裏寒外熱手足厥逆脈微欲絕身反不惡寒其

人面赤色或腰痛或乾嘔或咽痛或利止脈不出者通

脈四逆湯主之

脈浮而遲表熱裏寒下利清穀者四逆湯主之

自下利者與黃芩湯協熱清穀

○下利便膿血

下利寸脉反浮數尺中自濡者必清膿血

下利脉數而渴者令自愈設不差必清膿血以有熱故也

病二三日至四五日腹滿小便不利下利不止便膿血者

桃花湯主之

腹滿成本
作腹痛

傷寒先厥後發熱下利必自止而反汗出咽中痛者其喉

為痺發熱無汗而利必自止若不汗必便膿血便膿血

者其喉不痺下利便膿血者桃花湯主之

傷寒熱少厥微指頭冥冥不欲食煩躁數日小便利色

白者此熱除也欲得食其病為愈若厥而嘔胸脇滿煩

者其後必便血

傷寒發熱四日厥反三日復熱四日厥少熱多其病當愈

四日至七日熱不除者其後必便膿血

○除中

傷寒脉遲六七日而反與黃芩湯徹其熱脉遲為寒今與

黃芩湯復除其熱腹中應冷當不能食今反能食此名

除中必死

微則為效、效則吐涎下之則效止、而利因不休、利不休則胸中如蟲齧、粥入則出、小便不利、兩脇拘急、喘息為難、頭背相引、臂則不仁、極寒反汗出、身冷若水、眼睛不慧、語言不休、而穀氣多入、此為除中、口雖欲言、舌不得前、傷寒始發熱、六日厥反九日而利、凡厥利者、當不能食、今反能食者、恐為除中、食以索餅、不發熱者、知胃氣尚在、必愈。

○發黃

傷寒脉浮而緩、手足自温者、身當發黃、若小便自利者、不能發黃、至七八日大便鞅者、為裏證也。
 病無汗、小便不利、心中懊懣者、身必發黃。
 病被火、額上微汗出、小便不利者、必發黃。
 病發熱、汗出、此為熱越、不能發黃也、但頭汗出、身無汗、劑頸而還、小便不利、渴引水漿者、此為瘧熱在裏、身必發黃、茵陳湯主之。

傷寒發汗已身目為黃所以然者以寒濕在裏不解故也
以為不可下也於寒濕中求之

傷寒七八日身黃如橘子色小便不利腹微滿者茵陳蒿
湯主之

傷寒身黃發熱者危子漿皮湯主之

傷寒瘀熱在裏身必發黃麻黃連軹赤小豆湯主之

病脈遲食難用飽飽則微煩頭眩必小便難此欲作穀疸
雖下之腹滿如故所以然者脈遲故也

得病六七日脈遲浮弱惡風寒手足溫醫二三下之不能

食而脇下滿痛面目及身黃頸項強小便難者與此胡

湯後必下重木渴而飲水嘔者此胡湯不中與也食穀

者噦

傷寒脈浮而緩手足自溫者當發身黃若小便自利者不

能發黃至七八日雖暴煩下利日十餘行必自止以脾

家實腐穢當去故也

○潮熱燥屎

發汗利小便已胃中燥煩實大便難脉浮而緊者必潮熱發作有時但浮者必盜汗出

脉遲雖汗出不惡寒者其身必重短氣腹滿而喘有潮熱者此外欲解可攻裏也手足濇然而汗出者此大便已鞭也大承氣湯主之若汗多微發熱惡寒者外未解也其熱不潮未可與承氣湯若腹大滿不通者可與小承氣湯微和胃氣勿令大泄下

病潮熱大便微鞭者可與大承氣湯不鞭者不與之若不
大便六七日恐有燥屎欲知之法少與小承氣湯夕入
腹中轉失氣者此有燥屎乃可攻之若不轉失氣者此
但初頭鞭後必溏不可攻之攻之必脹滿不能食也欲
飲水者與水則噦其後發熱者必大便復鞭而少也以
小承氣湯和之不轉失氣者慎不可攻也

傷寒若吐若下後不解不大便五六日上至十餘日日晡
所發潮熱不惡寒獨語如見鬼狀若劇者發則不識人

循衣摸牀惕而不安微喘直視脉弦者生瀉者死微者但發熱譫語者大承氣湯主之若一服利止後服

病譫語發潮熱脉滑而疾者小承氣湯主之因與承氣湯

一升腹中轉失氣者更服一升若不轉失氣勿更與之

明日不大便脉反微瀯者裏虛也為難治不可更與承

氣湯

病譫語有潮熱反不能食者胃中必有燥屎五六枚也宜

大承氣湯下之若能食者但鞭爾

表證罷但發潮熱手足漿々汗出大便難而譫語者下之則愈宜大承氣湯

病下之心中懊憹而煩胃中有燥屎者可攻腹微滿初頭

鞭後必澹不可攻之若有燥屎者宜大承氣湯

病人不大便五六日繞臍痛煩躁發作有時者此有燥屎

故使不大便也

病人煩熱汗出則解又如瘧狀日晡所發熱脉實者宜下

之脉浮虛者宜發汗下之與大承氣湯發汗宜桂枝湯

大下後六七日不大便煩不解腹滿痛者此有燥屎也所以然者本有病食故也宜大承氣湯

病人小便不利大便乍難乍易時有微熱喘冒不能臥者有燥屎也宜大承氣湯

跌陽脉浮而濡浮則胃氣強澁則小便數浮澁相搏大便則難其脾為約麻仁丸主之

病三日發汗不解蒸々發熱者屬胃也調胃承氣湯主之病若吐若下若發汗微煩小便數大便因鞭者與小承氣

湯和之愈

得病二三日脉弱無芤胡證煩躁心下鞭至四五日雖能食以小承氣湯少少與微和之令小安至六日與承氣湯一升若不大便六七日小便少者雖不能食但初頭鞭後必澹未定成鞭攻之必澹須小便利尿定鞭乃可攻之宜大承氣湯

傷寒六七日目中不了了睛不和無表裏證大便難身微熱者此為實也急下之宜大承氣湯

病發熱汗多者急下之宜大承氣湯

發汗不解腹滿痛者急下之宜大承氣湯

腹滿不減減不足言當下之宜大承氣湯

脈滑而數者有宿食也當下之宜大承氣湯

病人無表裏證發熱七八日雖脈浮數者可下之

病不吐不下心煩者可與調胃承氣湯

○血證

表病下之脈浮滑者必下血

病口燥但欲漱水不欲嚥者此必衄衄家不可發汗

脈浮緊無汗發熱身疼痛八九日不解表證仍在此當發

其汗麻黃湯主之服藥已微除其人發煩目瞑劇者必

衄衄乃解脈浮發熱口乾鼻燥能食者則衄

病頭項強痛惡寒脈浮緊發熱身無汗自衄者愈

傷寒脈浮緊不發汗因致衄者麻黃湯主之

病六七日表證仍在脉微而沈反不結胸其人發狂者以熱在下焦少腹當鞭滿小便自利者下血乃愈所以然者以瘀熱在裏故也抵當湯主之

病身黃脉沈結少腹鞭小便不利者為無血也小便自利其人如狂者血證諦也抵當湯主之

傷寒有熱少腹滿應小便不利今反利者為有血也當下之不可餘藥宜抵當丸

其人喜忘者必有畜血所以然者本有久瘀血故令喜忘

屎難鞭大便反易其色必黑宜抵當湯下之

病人無表裏證發熱七八日雖脉浮數者可下之假令已下脉數不解合熱則消穀善饑至六七日不大便者有

瘀血宜抵當湯

病八九日一身手足盡熱者以熱在膀胱必便血也

病但厥無汗而強發之必動其血未知從何道出或從口鼻或從目出是名下厥上竭為難治

惡寒脉微而復利止亡血也四逆加人蔘湯主之

○識語

夫實則識語虛則鄭聲鄭聲重語也

發汗多若重發汗者亡其陽識語脈短者死脈自和者不死

病其人多汗以津液外出胃中燥大便必鞭々則識語小承氣湯主之若一服識語止更莫復服

傷寒四五日脈沈而喘滿沈為在裏而反發其汗津液越出大便為難表虛裏實久則識語

腹滿身重難以轉側口不仁而面垢識語遺尿發汗則識語下之則額上生汗手足逆冷若自汗出者白虎湯主之

傷寒脈弦細頭痛發熱者不可發汗發汗則識語此屬胃不和則愈胃不和則煩而悸

本表病不解轉入裏者脇下鞭滿乾嘔不能食往來寒熱尚未吐下脈沈緊者與小柴胡湯若已吐下發汗溫鍼識語此胡湯證罷此為壞病知犯何逆以法治之

直視讞語喘滿者死下利者亦死

○熱入血室

婦人中風發熱惡寒經水適來得之七八日熱除而脉遲身凉胸脇下滿如結胸狀讞語者此為熱入血室也隨其實而瀉之

婦人中風七八日續得寒熱發作有時經水適斷者此為

熱入血室其血必結故使如瘧狀發作有時小茈胡湯主之

婦人傷寒發熱經水適來晝日明了暮則讞語如見鬼狀者此為熱入血室無犯胃氣及上二焦必自愈

下血讞語者此為熱入血室但頭汗出者刺期門隨其實而瀉之澌然汗出則愈

汗出讞語者以燥屎在胃中此為風也須下之過日乃可下之下之則愈宜大承氣湯下之若早語言必亂以表

虛裏實故也

○如瘧證

病得之八九日如瘧狀發熱惡寒熱多寒少其人嘔清
 便欲自可一日二三度發脈微緩者為欲愈也脈微而
 惡寒者不可更發汗更下更吐也面色及有熱色者未
 欲解也以其不能得小汗出身必痒宜桂枝麻黃各半
 湯

服桂枝湯大汗出脈洪大者與桂枝湯如前法若形如瘧
 日再發者汗出必解宜桂枝二麻黃一湯

病發熱惡寒熱多寒少宜桂枝二越婢一湯脈微弱者不
 可更汗

○發狂

病欲食小便反不利大便自調其人骨節疼翕翕如有熱
 狀奄然發狂濺然汗出而解者此水不勝穀氣與汗共

併脉緊則愈

病六七日表證仍在脉微而沈及不結胸其人發狂者以熱在下焦少腹當鞭滿小便自利者下血乃愈

○痞

脉浮而緊而復下之緊反入裏則作痞按之自濡但氣痞耳

中風下利嘔逆表解者乃可攻之其人熱熱汗出發作有

時頭痛心下痞鞭滿引脇下痛乾嘔短氣汗出不惡寒者此表解裏未和也十棗湯主之

病醫發汗遂發熱惡寒因復下之心下痞表裏俱虛復加燒針因胸煩面色青黃膚暈者難治今色微黃手足溫者易愈

心下痞按之濡其脉關上浮者大黃黃連瀉心湯主之

心下痞而復惡寒汗出者附子瀉心湯主之

本以下之故心下痞與瀉心湯病不解其人渴而口燥煩

小便不利者五苓散主之

傷寒汗出解之後胃中不和心下痞鞭乾噫食臭脇下有

水氣腹中雷鳴下利者生薑瀉心湯主之

傷寒中風醫反下之其人下利日數十行穀不化腹中雷

鳴心下痞鞭而滿乾嘔心煩不得安醫見心下痞謂病

不盡復下之其痞益甚此非結熱但以胃中虛客氣上

逆故使鞭也甘草瀉心湯主之

傷寒服湯藥下利不止心下痞鞭服瀉心湯已復以他藥

下之利不止醫以理中與之利益甚理中者理中焦此

利在下焦赤石脂禹餘糧湯主之復利不止者當利其

小便

傷寒吐下後發汗虛煩脈甚微八九日心下痞鞭脇下痛

氣上衝咽喉眩冒經脈動惕者久而成痿

傷寒發汗若吐若下解後心下痞鞭噫氣不除者旋復代

赭石湯主之

外證未除而數下之遂協熱而利利下不止心下痞鞭表

裏不解者桂枝人參湯主之

傷寒大下後復發汗心下痞惡寒者表未解也不可攻痞

當先解表表解乃可攻痞解表宜桂枝湯攻痞宜大黃

黃連瀉心湯

傷寒發熱汗出不解心下痞鞭嘔吐而下利者大柴胡湯

主之

脉寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴小便

數者大便必鞭不更衣十日無所苦也渴欲飲水少少與之但以法救之渴者宜五苓散

○結胸

問曰病有結胸有藏結其狀何如答曰按之痛寸脉浮關脉沈名曰結胸也何謂藏結答曰如結胸狀飲食如故時時下利寸脉浮關脉小細沈陰名曰藏結舌上白胎滑者難治

藏結無表證不往來寒熱其人反靜舌上胎滑者不可攻也

病發於熱而反下之熱入因作結胸病發於寒而反下之

因作痞所以成結胸者以下之太早故也

結胸者項亦強如柔瘕狀下之則和宜大陷胸丸

結胸證其脉浮大者不可下下之則死

結胸證悉具煩躁者亦死

病脉浮而動數浮則為風數則為熱動則為痛數則為虛

頭痛發熱微盜汗出而反惡寒者表未解也醫反下之

動數變遲膈內拒痛胃中空虛客氣動膈短氣躁煩心

中懊懷陽氣內陷心下因鞞則為結胸大陷胸湯主之

若不結胸但頭汗出餘無汗劑頸而還小便不利身必

發黃也傷寒六七日結胸熱實脉沈而緊心下痛按

之石鞞者大陷胸湯主之

傷寒十餘日熱結在裏復往來寒熱者與大柴胡湯但結

胸無大熱者此為水結在胸脇也但頭微汗出者大陷

胸湯主之

表病重發汗而復下之不大便五六日舌上燥而渴日晡

所小有潮熱從心下至少腹鞭滿而痛不可近者大陷

胸湯主之

小結胸病正在心下按之則痛脈浮滑者小陷胸湯主之

病二三日不能臥但欲起心下必結脈微弱者此本有寒

分也反下之若利止必作結胸未止者此作協熱利也

表病下之其脈促不結胸者此為欲解也脈浮者必結胸

也脈緊者必咽痛脈弦者必兩脇拘急脈細數者頭痛

未止脈沈緊者必欲嘔脈沈滑者協熱利脈浮滑者必

下血

寒實結胸無熱證者與三物小陷胸湯白散亦可服

病頭項強痛或眩冒時如結胸心下痞鞭者慎不可發汗

發汗則譫語

傷寒五六日若心下滿而鞭痛者此為結胸也大陷胸湯

主之但滿而不痛者此為痞芫胡不中與之宜半夏瀉

心湯

表病而反下之成結胸心下鞭下利不止水漿不下其人
心煩

病脇下素有痞連在臍傍痛引少腹入陰筋者此名藏結
死

○協熱利

本有寒分也反下之若利止必作結胸未止者此作協熱

利也 病下之脉沈滑者協熱利

病外證未除而數下之遂協熱而利利下不止心下痞鞭
表裏不解者桂枝人參湯主之

病人無表裏證發熱七八日雖脉浮數者可下之假令已
下脉數不解合熱則消穀善饑至六七日不大便者有
瘀血宜抵當湯若脉數不解而下不止必協熱而便膿
血

○四逆

凡厥者陰陽氣不相順接便為厥厥者手足逆冷是也

病者手足厥冷言我不結胸小腹滿按之痛者此冷結在

膀胱關元也

傷寒而厥七日下利者為難治

傷寒脈促手足厥逆者灸之

手足厥寒脈細欲絕者當歸四逆湯主之若其人內有久

寒者宜當歸四逆加吳茱萸生薑湯主之

大汗出熱不去內拘急四肢疼又下利厥逆而惡寒者四

逆湯主之 大汗若大下利而厥冷者四逆湯主之

病人手足厥冷脈乍驟者邪結在胸中心中滿而煩饑不

能食者病在胸中當須吐之宜瓜蒂散

傷寒厥而心下悸者宜先治水當服茯苓甘草湯却治其

厥不爾水漬入胃必作利也

傷寒六七日大下後寸脈沈而遲手足厥逆下部脈不至

咽喉不利唾膿血泄利不止者為難治

傷寒六七日脉微手足厥冷煩躁欲死者吳茱萸湯主之
脉微細但欲寐四逆其人或欬或悸或小便利或腹中
痛或泄利下重者四逆散主之

吐利手足厥冷煩躁欲死者吳茱萸湯主之

諸四逆厥者不可下之虛家亦然

吐利汗出發熱惡寒四肢拘急手足厥冷者四逆湯主之
吐已下斷汗出而厥四肢拘急不解脉微欲絕者通脉四
逆加猪膽汁湯主之

○胃中虛冷

病不能食攻其熱必噦所以然者胃中虛冷故也以其人
本虛故攻其熱必噦

病當多汗反無汗其身如蟲行皮中狀者此以久虛故也
中寒不能食小便不利手足澀然汗出此欲作固瘕必大
便初鞭後溏所以然者以胃中冷水穀不別故也

傷寒大吐大下之極虛復極汗出者以其人外氣怫鬱復
與之水以發其汗因得噦所以然者胃中寒冷故也

○吐蚘

傷寒脉微而厥至七八日膚冷其人躁無暫安時者此為藏厥非為蚘厥也蚘厥者其人當吐蚘令病者靜而復時煩此為藏寒蚘上入膈故煩須臾復止得食而嘔又煩者蚘聞食臭出其人當自吐蚘蚘厥者烏梅圓主之病人有寒復發汗胃中冷必吐蚘病人有寒復發汗胃中冷必吐蚘利不止病人有寒復發汗胃中冷必吐蚘

○霍亂

問曰病有霍亂者何答曰嘔吐而利名曰霍亂問曰病發熱頭痛身疼惡寒吐利者此屬何病答曰此名霍亂自吐下又利止復更發熱也霍亂頭痛發熱身疼痛熱多欲飲水者五苓散主之寒多不用水者理中丸主之吐利止而身痛不休者當消息和解其外宜桂枝湯小和之

既吐且利小便復利而大汗出下利清穀內寒外熱脉微欲絕者四逆湯主之

吐利發汗脉平小煩者以新虛不勝穀氣也

○風濕

傷寒八九日風濕相搏身體疼煩不能自轉側不嘔不渴脉浮虛而濡者桂枝附子湯主之若其人大便鞭小便

自利者去桂加朮湯主之

風濕相搏骨節煩疼掣痛不得屈伸近之則痛劇汗出短氣小便不利惡風不欲去衣或身微腫者甘草附子湯主之

○宿食

問曰人病有宿食何以別之師曰寸口脉浮細大按之反澁尺中亦微而澁故知有宿食當下之宜大承氣湯下利不欲食者以有宿食故也當下之與大承氣湯

宿食在上，腕者當吐之。

○痢

下利三部脈皆平，按之心下鞕者，急下之，宜大承氣湯。

下利脈遲而滑者，內實也，利未欲止，當下之，宜大承氣湯。

下利差後，至其年月日復發者，以病不盡故也，當下之，宜

大承氣湯

下利脈反滑，當有所去，下之乃愈，宜大承氣湯。

二十 畢

